

Venres, 6 de xuño de 2025

Núm. 107

ADMINISTRACIÓN LOCAL**MUNICIPAL****SILLEDA****Convocatoria becas**

*BASES POLAS QUE SE REGULA A CONVOCATORIA DE BECAS MUNICIPAIS PARA
ESTUDANTES DE ESTUDOS SUPERIORES DURANTE O CURSO ESCOLAR 2025-2026*

*ANUNCIO
(EXPTE. 885/2025)*

*BASES POLAS QUE SE REGULA A CONVOCATORIA DE BECAS MUNICIPAIS PARA
ESTUDANTES DE ESTUDOS SUPERIORES DURANTE O CURSO ESCOLAR 2025-2026*

Por acordo do Pleno da Corporación de data 30 de maio de 2025 acordouse prestar aprobación as “BASES POLAS QUE SE REGULA A CONVOCATORIA DE BECAS MUNICIPAIS PARA ESTUDANTES DE ESTUDOS SUPERIORES DURANTE O CURSO ESCOLAR 2025-2026”, que se insire a continuación:

BASES POLAS QUE SE REGULA A CONVOCATORIA DE BECAS MUNICIPAIS PARA ESTUDANTES DE ESTUDOS SUPERIORES DURANTE O CURSO ESCOLAR 2025-2026

O Concello de Silleda coñecedor da realidade actual de moitas familias do municipio e consciente da necesidade de garantir a igualdade de acceso ás ensinanzas superiores, independentemente do lugar onde se resida e co ánimo de minorar o impacto que tales gastos supoñen na economía doméstica, establece as presentes bases que regulan a convocatoria de becas municipais para estudantes que cursen estudos oficiais nalgún dos centros da nosa Comunidade Autónoma, fóra do noso municipio.

PRIMEIRA.— OBXECTO.

O obxecto das presentes Bases é a concesión de axudas para reducir os gastos dos alumnos e alumnas empadroados/as, polo menos un ano antes da publicación destas bases, no Concello de Silleda que cursen os estudos establecidos no punto 5.2 na nosa Comunidade Autónoma, fóra do noso municipio.

SEGUNDA.— NATUREZA E RÉXIME DAS AXUDAS.

1.— Estas axudas teñen a natureza de subvención de acordo co recollido no artigo 2 da Lei 38/2003, de 17 de novembro, Xeneral de Subvencións.



Venres, 6 de xuño de 2025

Núm. 107

2.— Dado o obxecto e finalidade destas axudas o procedemento de concesión tramitarase en réxime de concorrencia competitiva, para todo as persoas que cumpra as condicións, segundo orde de entrada e ata esgotar crédito. Terán especial consideración as familias establecidas na cláusula 5.5 destas bases, priorizando estas ante outros núcleos familiares non contemplados na mesma.

3.— A presente convocatoria rexerese, con carácter xeral, polo disposto nas bases reguladoras, Lei 38/2003, de 17 de novembro, Xeneral de Subvencións e o seu Regulamento de desenvolvemento, aprobado por Real Decreto 887/2006, de 21 de xullo, na Lei 9/2007, de 13 de xuño, de Subvencións de Galicia(en adiante LSG) e o seu Regulamento de desenvolvemento, aprobado por Decreto 11/2009, de 8 de xaneiro (en diante RLSG) e nas Bases de execución do Orzamento Municipal para o exercicio 2020 e, supletoriamente, na Lei 39/2015, de 1 de outubro, do Procedemento Administrativo Común das Administracións Públicas e calquera outra disposición normativa que pola súa natureza puidese resultar de aplicación.

4.— A xestión destas subvencións suxeitarase aos principio de publicidade, concorrencia, transparencia, obxectividade, igualdade e non discriminación, así como a eficacia no cumprimento de obxectivos e eficiencia na asignación e utilización dos recursos públicos.

5.— En ningún caso o importe da axuda poderá superar o 100% do custe do obxecto ao que vaia dirixida, nin por sí mesma nin en concorrencia con outras subvencións ou axuda.

6.— Estas becas son compatibles con outras axudas dirixidas ao mesmo fin.

TERCEIRA,— CRÉDITO ORZAMENTARIO.

Para as subvencións incluídas na presente convocatoria, reservárase un crédito na aplicación orzamentaria 326-48 cunha contía máxima de 20.000 euros, non podendo incrementar esta cantidade nin ser modificada ao non contemplar esta posibilidade.

CUARTA.— IMPORTE, OBXECTO DA AXUDA E GASTOS SUBVENCIONABLES

O importe máximo da subvención por beneficiario será de 500€. Os importes calcularanse, para cada beneficiario, de xeito proporcional á renda calculada de acordo coa base quinta.

Son gastos subvencionables aqueles que de xeito indubitado respondan a natureza da actividade subvencionada, resulten estrictamente necesarios e se realicen dentro do prazo establecido.

A beca poderá destinarse a sufragar os custes derivados de:

- Pagamento de matrícula
- Aloxamento
- Material educativo (incluído material informático que se destine a fins educativos e vestiario e outro material técnico, legalmente indispensable para o estudo compatible).

Pode verificar a integridade deste documento no seguinte enderezo:
<https://sede.depo.gal>
Código seguro de verificación: Y79YKUD6W7DUXAZL



Venres, 6 de xuño de 2025

Núm. 107

Non serán considerados gastos subvencionables, e polo tanto non darán dereito a axuda, os seguintes:

a) Gastos de desprazamento

Non se subvencionarán gastos derivados do transporte (como combustible, alugueiro de vehículos, etc.), agás cando se xustifique documentalmente que non existen alternativas de transporte público gratuito para a mocidade ata a localidade de estudos da persoa solicitante.

b) Gastos de manutención

Quedan excluídos os gastos relativos a comida, bebida, produtos de supermercado ou similares, tanto se se realizan de forma individual como en establecementos de restauración.

c) Gastos de carácter persoal ou alleos ao obxecto da convocatoria

Non se admitirán gastos destinados a ocio, telefonía, plataformas dixitais, vestiario, actividades recreativas ou culturais non vinculadas aos estudos, nin tampouco aqueles que non estean directamente relacionados coa formación académica ou que non poidan ser claramente identificados como material escolar.

d) Gastos non acreditados documentalmente

Non se admitirán pagamentos en efectivo sen xustificante, nin gastos que non estean acompañados da correspondente factura ou xustificante oficial

QUINTA.— BENEFICIARIOS/AS DAS AXUDAS.

Serán beneficiarios/as aquelas persoas que cumpran os requisitos seguintes:

1. Estudantes empadroados/as no municipio de Silleda, polo menos un ano antes da publicación destas bases.

2. Estar matriculado/a ou ter reserva de matrícula para o curso académico 2025-2026 nas seguintes ensinanzas nun centro da nosa Comunidade Autónoma, e fóra do municipio de Silleda (sempre e cando as ensinanzas que se cursen non se impartan en centros do noso municipio ou non se acadara praza por motivos xustificados):

- a) Ensinanzas universitarias (quedan excluídos os estudos de máster, posgrado e doutoramento)
- b) Formación profesional (grao básico, medio ou superior)
- c) Bacharelato, modalidade xeral e de arte
- d) Ensinanzas de réximen especial
 - Ensinanzas deportivas.
 - Ensinanzas de idiomas (A1, B1, B2, C1, C2)
 - Ensinanzas artísticas
 - Música.



Venres, 6 de xuño de 2025

Núm. 107

- Superior de Música
- Danza
- Arte Dramático
- Artes Plásticas e Deseño
- Superior de Deseño (gráfico, interior, moda, produto, ...)
- Conservación e restauración de Bens Culturais

Poderán optar a estas axudas aquelas persoas que se atopen realizando estudos en centros fóra da nosa Comunidade Autónoma, dentro de programas de mobilidade para estudantes (Erasmus+, SIGUE e convenios bilaterais de mobilidade entre centros educativos, entre outros)

3. Non estar incurso nas prohibicións para obter a condición de beneficiario, recollidas no artigo 10 da Lei 9/2007, do 13 de xuño, de subvencións de Galicia. Non atoparse incursas en ningunha das circunstancias recollidas no artigo 13.2 e 13.3 da Lei 38/2003, de 17 de novembro, Xeneral de Subvencións, e en particular, estar ao corrente no cumprimento das súas obrigacións tributarias coa Facenda estatal (AEAT) e coa Tesouraría Xeral da Seguridade Social (TGSS). Este requisito debe cumprirse desde a data de presentación da solicitude até a data do pago da subvención, no seu caso.

Non ter débeda algunha pendente co Concello de Silleda. Este requisito debe cumprirse desde a data de presentación da solicitude até a data do pago da subvención, no seu caso.

4. Renda Familiar

Ter unha renda per cápita familiar igual ou inferior a 6.000 euros.

A determinación da renda per cápita familiar obterase por agregación das rendas de cada un dos membros da unidade familiar que obtiveran ingresos de calquera natureza de conformidade coa normativa que regula o imposto sobre a renda das persoas físicas. Os membros computables da unidade familiar serán:

1. A/O solicitante.
2. Os proxenitores (nai/pai, titor/a)
3. Os irmáns solteiros e menores de 25 anos e que convivan no domicilio familiar a 31 de decembro de 2024 ou de maior idade, cando se trate de persoas con discapacidade.
4. Os ascendentes dos pais que xustifiquen a súa residencia no mesmo domicilio que os anteriores co certificado municipal correspondente.
5. En caso de divorcio ou separación legal dos pais non se considerará membro computable aquel deles que non conviva co solicitante, salvo no caso de custodia compartida. Terá tamén a consideración de membro computable o novo cónxuxe ou persoa unida por análoga relación, así as súas rendas incluíranse no cómputo da renda familiar.



Venres, 6 de xuño de 2025

Núm. 107

Os membros da unidade familiar que presentaran declaración do imposto sobre a renda de 2024, a efectos de cálculo da renda per cápita familiar sumaranse a base imponible xeral e base imponible de aforro e o resultado dividirase entre os membros da unidade familiar.

No caso de non presentar declaración, teranse en conta os ingresos netos de todos os membros computables da unidade familiar (o Concello comprobará a unidade familiar dos convivintes)

5. Que a vivenda propia coa que conte a unidade familiar teña un valor catastral inferior ou igual a 40.000 euros.

6. Non ser titular calquera dos membros da unidade familiar de ningún outro inmovble distinto da vivenda familiar, agás solar ou finca.

7. Familias de especial consideración.

A efectos destas becas terán especial consideración os seguintes núcleos familiares:

- Familias numerosas
- Familias monoparentais
- Familias acolledoras
- Familias vítimas de violencia de xénero

SEXTA.— SOLICITUDES E PRAZO DE PRESENTACIÓN.

As solicitudes para participar na convocatoria presentaranse nun prazo 10 días hábiles a contar desde o día seguinte ao da publicación da convocatoria no BOP, a través do modelo Anexo I coa documentación complementaria esixida na base sexta, no Rexistro Xeral Municipal en horario de luns a venres de 9:00 a 14:00 h ou ben a través da sede electrónica do Concello de Silleda.

SÉTIMA.— DOCUMENTACIÓN A ENTREGAR.

Os/As solicitantes deben presentar a súa instancia segundo modelo normalizado (anexo 1), á cal deberán achegar cos seguintes documentos:

1. Fotocopia do DNI do solicitante.
2. Fotocopia da matrícula do curso escolar en curso ou na súa falta certificado acreditativo expedido pola secretaría do centro.

Tratándose de alumnos/as que van matricularse trala convocatoria de setembro, bastará con que acompañen declaración xurada da súa intención de matricularse, debidamente subscribida polo alumno/a ou o seu/súa representante legal, sendo necesario que antes do día 15 de decembro presenten fotocopia do resgardo da matrícula. En caso de non remitir o documento antes da referida data considerarase que o/a interesado/a desiste da súa solicitude.

3. Copia da renda familiar correspondente ao exercicio 2024.



Venres, 6 de xuño de 2025

Núm. 107

4. No caso de non ter presentada a declaración da renda 2024, xustificante dos ingresos netos (nóminas, certificado de empresa, certificado de pensións,...) dos membros computables da unidade familiar
5. Certificación bancaria da conta corrente, na que apareza como titular a/o solicitante da axuda ou, no seu caso, do/a titor/a legal do/a mesmo/a.
6. Volante de convivencia, da/o solicitante.
7. Documentación de valoración catastral de propiedades.
8. Anexo II
9. Familias de especial consideración.

Enténdense por familias de especial consideración aquelas recollidas na base 8.7

A acreditación desta condición deberá realizarse do seguinte xeito:

- a) Familias numerosas: mediante a presentación do título oficial de familia numerosa en vigor no momento da solicitude.
- b) Familias monoparentais: mediante certificado ou informe dos servizos sociais ou documento oficial que acredite a existencia dun único proxenitor con responsabilidade legal sobre o/a menor.
- c) Familias acolledoras: mediante resolución administrativa ou xudicial que recoñeza a condición de acollida familiar vixente.
- d) Familias vítimas de violencia de xénero: mediante calquera dos medios de acreditación recollidos no artigo 5 da Lei 11/2007, do 27 de xullo, galega para a prevención e o tratamento integral da violencia de xénero

A documentación deberá estar en vigor no momento da solicitude ou referida ao período para o cal se solicita a axuda.

OITAVA.— *PROCEDIMENTO E INSTRUCCIÓN PARA A CONCESIÓN DAS AXUDAS.*

1.— O procedemento para a concesión das axudas para o curso escolar 2025-2026, rexerase polo disposto nas presentes bases e no que non estea previsto nestas estarase ao disposto na Lei 38/2003, de 17 de novembro, Xeral de Subvencións, polo RD 887/2006, de 21 de xullo polo que se aproba o regulamento da referida Lei, pola Lei 9/2007, do 13 de xuño, de subvencións de Galicia así como pola Lei 39/2015, de 1 de outubro, do Procedemento Administrativo Común das Administracións Públicas e demais normativa vixente de xeral aplicación. A concesión da subvención regulada nesta convocatoria, realizarase de acordo co establecido nos artigos 22.1 e 23 a 27 da LXS.

As presentes bases intégranse no Plan Estratéxico de Subvencións para 2025, e non constitúe unha axuda de estado nos termos previstos nos artigos 107 e 108 do Tratado de Funcionamento da Unión Europea (TFUE).



Venres, 6 de xuño de 2025

Núm. 107

2.— A concesión da subvención efectuarase en réxime de concorrencia competitiva, establecéndose como criterio de valoración a renda e, salvo no caso de familias de especial consideración que terán preferencia sempre que cumpran cos requisitos establecidos para obter a condición de beneficiarios da subvención.

Non se concederán axudas finalizado o crédito orzamentario.

3.— A instrución do procedemento dependerá da Concellería de Educación, que realizará de oficio cantas actuacións estime necesarias para a determinación, coñecemento e comprobación dos datos aleatorios e incluso cruzar datos coas administracións públicas (catastro, rexistro da propiedade..)

Quedarán excluídas automaticamente as solicitudes nas que se detecte falsedade, ocultación de datos ou non se achegue toda a documentación requirida no prazo establecido.

Nomearase unha Comisión de Valoración formada por un Presidente, un Secretario con voz pero sen voto e dous vocais. Esta Comisión de Valoración emitirá informe sobre as mesmas. En base a dito informe o Servizo instructor formulará a proposta que, previo informe de Intervención, se someterán á aprobación pola Xunta de Goberno.

4.— A proposta será remitida á Intervención para súa fiscalización, que se realizará de Acordo co establecido nos apartados 18.1.A e 18.1.B da Resolución de 2 de xuño de 2008, da Intervención Xeral da Administración do Estado, pola que se publica o Acordo do Consello de Ministros de 30 de maio de 2008, polo que se da aplicación á previsión dos artigos 152 e 147 da Lei Xeral Orzamentaria, respecto ao exercicio da función interventora en réxime de requisitos básicos.

5.— Os ítems de avaliación das solicitudes e proposta de axudas, responden a criterios económicos establecidos en base á renda familiar, de acordo co seguinte cadro:

<i>Renta</i>	<i>Cantidade máxima da axuda</i>
Ata 1000	500 €
De 1001 a 2000	420 €
De 2001 a 3000	350 €
De 3001 a 4000	225 €
De 4001 a 5000	175 €
De 5001 a 6000	100 €

O control sobre o cumprimento de estar ao corrente das obrigas tributarias e coa seguridade social se realizará sobre a declaración responsable.

6.— Non cabe posibilidade de prórroga en ningún dos prazos establecidos nestas bases.

NOVENA.— RESOLUCIÓN E NOTIFICACIÓN.

O acordo de resolución corresponderá á Xunta de Goberno Local.

O acordo de resolución será publicado no taboleiro do Concello e na páxina web.



Venres, 6 de xuño de 2025

Núm. 107

DÉCIMA.— OBRIGAS DOS BENEFICIARIOS.

- 1.— Destinar a subvencións aos fins para os que foi concedida.
- 2.— Someterse ás actuacións de comprobación e control financeiro previstas pola vixente normativa en materia de subvencións.
- 3.— Proceder ao reintegro dos fondos percibidos nos supostos contemplados no artigo 37 da Lei Xeral de Subvencións, e en particular, por obter a subvención falseando as condicións requiridas para iso ou ocultando aquelas que o impediron, ou mostrar resistencia, escusa, obstrución ou negativa ás actuacións de comprobación e control financeiro prevista no artigo 14 da Lei Xeral de Subvencións.
- 4.— Cumprir as restantes obrigacións que detalla o artigo 14 da Lei Xeral de Subvencións e 11 da Lei 9/2007, de 13 de xuño, de Subvencións de Galicia.

UNDÉCIMA.— XUSTIFICACIÓN.

As persoas beneficiarias deberán presentar, dentro do prazo establecido na convocatoria e, en todo caso, antes do 21 de novembro de 2025, a documentación xustificativa dos gastos realizados.

A xustificación deberá incluír:

ANEXO III, que inclúe:

- a) Unha declaración xurada sobre o destino da axuda e a condición de persoa beneficiaria.
- b) A conta xustificativa, elaborada segundo o tipo de concepto subvencionado.
- c) Documentación acreditativa dos gastos realizados, como facturas ou documentos de valor probatorio equivalente, en función da solicitude presentada.
- d) Documentación acreditativa do pago de ditos gastos.

11.1. Matrícula en estudos regrados

Xustificarase mediante o xustificante de pagamento da matrícula oficial expedido polo centro de estudos correspondente.

11.2. Alugueiro ou aloxamento

Dependendo da modalidade de aloxamento, deberán presentarse os seguintes documentos:

- a) Piso de alugueiro individual ou compartido:
 - Copia do contrato de arrendamento asinado, no que conste a persoa solicitante como arrendataria ou coarrendataria.
 - Xustificantes bancarios de pagamento mensual, nos que conste o importe e o concepto (alugueiro), así como o nome da persoa arrendadora.



Venres, 6 de xuño de 2025

Núm. 107

- Se o contrato non está a nome da persoa beneficiaria pero esta reside no inmovible, deberá presentar declaración responsable da persoa arrendadora e/ou do titular do contrato, indicando que reside na vivenda e que abona unha parte concreta do alugueiro.

b) Cuarto alugado nun domicilio particular:

- Recibo ou xustificante de pagamento mensual, acompañado dunha declaración asinada da persoa propietaria da vivenda, indicando os datos da persoa beneficiaria, a duración e o importe mensual do alugueiro.

c) Residencia de estudantes:

- Xustificante de pagamento mensual ou anual expedido pola residencia.
- No caso de pago por adiantado ou anual, deberá indicarse o período cuberto pola achega.

11.3. Material escolar e equipamento informático

a) Material escolar (libros, cadernos, útiles, etc.):

- Facturas a nome da persoa beneficiaria ou da persoa representante legal, nas que figure o detalle dos produtos adquiridos e a data de compra dentro do período subvencionable.

b) Equipamento informático (ordenadores, tablets, impresoras, etc.):

- Factura conforme ao apartado anterior.
- Adicionalmente, requirirase unha declaración responsable da persoa beneficiaria, na que se comprometa a destinar o equipamento informático a usos académicos e se comprometa a non allealo durante un período mínimo de dous anos.
- Para este tipo de gasto, a subvención reconecerá ata o 20% do importe xustificado, como criterio estándar de uso académico por entender que o curso académico alcanza como máximo dita porcentaxe de vida útil.

Xustificación do pagamento dos gastos realizados.

Os pagos deben realizarse antes da data límite de xustificación .

Os gastos en bens e servizos se acreditarán mediante facturas regulamentarias (con todos os requisitos esixidos polo R.D. 1496/2003) ou documentos de valor probatorio equivalente no tráfico mercantil. Poderán presentarse orixinais ou fotocopias compulsadas..

A presentación de copias compulsadas seguirá o seguinte procedemento:

- 1º. A factura orixinal será compulsada no Concello de Silleda.
- 2º. No momento da compulsa o funcionario encargado da mesma realizará a correspondente dilixencia, que constará en ambos documentos (na factura orixinal e na copia)
- 3º. Poderase incluír na dilixencia un importe inferior ao total da factura, co obxecto de que parte da mesma xustifique esta subvención e o importe restante se use para xustificar outras subvencións.



Venres, 6 de xuño de 2025

Núm. 107

Os pagos efectivos se acreditarán co documento bancario correspondente, nos supostos de pago en metálico constará na factura “pagado” e selo e firma do establecemento

DUODÉCIMA.— PAGO E GARANTÍAS.

O pago destas subvencións realizarase nun pago único pola totalidade do importe concedido e xustificado, mediante transferencia bancaria, a partir da data da resolución de concesión.

En ningún caso se efectuarán pagos anticipados.

DÉCIMO TERCEIRA.— REINTEGRO.

O reintegro do importe percibido, cando cumpra, rexerese polo disposto no título II da LGS e polo título III do RLGS.

DÉCIMO CUARTA.— RÉXIME SANCIONADOR.

As persoas beneficiarias das subvencións quedarán sometidas ás responsabilidades e réxime sancionador establecido nos capítulos I e II do título IV da Lei 38/2003, Xeral de Subvencións, e no artigo 40 do RDL 2/2004, do 5 de marzo, polo que se aproba o Texto Refundido da Lei das Facendas Locais, e demais normas concordantes.

A non xustificación ou a xustificación inferior ao 30 % da subvención outorgada dará lugar a perda total da axuda, no suposto de xustificación parcial superior ao importe anterior aboarase o importe xustificado.

DÉCIMO QUINTA.— TRATAMENTO DE DATOS DE CARÁCTER PERSOAL.

Información relativa ao tratamento e Protección de Datos desta entidade: En cumprimento da Lei Orgánica 3/2018, de 5 de decembro, de Protección de Datos (LOPDGDD) e da normativa de Protección de Datos tendo en conta as disposicións do Regulamento (UE) 2016/679 do Parlamento Europeo e do Consello, de 27 de abril de 2016 (RXPDP), relativo a protección das persoas físicas no tratamento de datos persoais e os respectivos artigos 13 e 14 do citado RXPDP, informámoslle que os datos recadados, e que Vde. nos facilite e achegue a esta solicitude, serán incorporados a un Rexistro de Actividades de Tratamento de Xestión de Servizos do Concello de Silleda.

Lexitimación para o tratamento dos datos: As bases legais para o tratamento dos seus datos serán as contempladas no art. 6 da LOPDGDD, e estarán fundamentadas no consentimento que vostede concede ou no do seu representado ca cumprimentación da solicitude como solicitante da subvención ou axuda na que está interesado, podendo tamén selo o cumprimento dunha obriga legal aplicable a este responsable ou a de protexer os intereses vitais do interesado ou de outra persoa física.



Venres, 6 de xuño de 2025

Núm. 107

Cesión de datos: A solicitude, así como os documentos achegados, poderán ser cedidos ou consultados ante aquelas Administracións Pública ou ante outros Organismos competentes en materia de subvencións e axudas solicitadas, e polo que, Vostede AUTORIZA e está sendo informado, aos efectos da normativa de protección de datos de carácter persoal, á comprobación telemática por parte deste responsable con outras Administracións Públicas dos datos declarados e demais circunstancias relativas o cumprimento dos requisitos requiridos.

Pode consultar políticas de privacidade ou exercicio dos dereitos en <https://silleda.sedelectronica.gal/privacy.1>, en canto a obter confirmación de si estamos tratando os seus datos persoais, o dereito de acceso, a rectificar e suprimir os datos, solicitar a portabilidade dos mesmos, a opoñerse o seu tratamento e solicitar a limitación deste, así como no caso de considerar que os seus dereitos non son atendidos pode presentar reclamacións ante a Autoridade de Control <https://www.aepd.es/>, para tramitar os seus dereitos poderá exercelos presentando escrito no Rexistro Xeral deste Concello en Rúa do Trasdeza, 55 Silleda (36540) Pontevedra ou por vía mail a: info@silleda.gal ditas solicitudes deberán dirixirse a Delegada de Protección Datos, facendo referencia ao dereito que pretende exercer e achegando copia do seu DNI/NIF ou documento que o/a identifique e/ou do seu representado.



Venres, 6 de xuño de 2025

Núm. 107

ANEXO I

SOLICITUDE DE BECA MUNICIPAL PARA ESTUDOS SUPERIORES, CURSO 2025-2026

DATOS DO/A SOLICITANTE

Nome e apelidos _____ DNI _____

Enderezo _____

NºTeléfono/correo-e _____/ _____

Curso _____

Centro _____

DOCUMENTACIÓN QUE SE ACHEGA

- ☐ Renda da unidade familiar 2024
- ☐ No caso de non presentar a declaración da renda 2024, xustificante dos ingresos netos das persoas que forman a unidade familiar (nóminas, certificado de empresa, certificado de pensións...)
- ☐ Certificación bancaria da conta corrente, na que será titular a/o beneficiaria/o da axuda ou, no seu caso, do titor legal do mesmo.
- ☐ Copia matrícula do curso escolar 2025/26 ou na súa falta certificado acreditativo da matrícula
- ☐ Copia do DNI do solicitante
- ☐ Volante de convivencia
- ☐ Valoración catastral das propiedades
- ☐ Xustificación de familia de consideración especial, de ser o caso
- ☐ Outros:

Silleda a de..... De 2025

Asdo.:

Pode verificar a integridade deste documento no seguinte enderezo:
<https://sede.depo.gal>
Código seguro de verificación: Y79YKUD6W7DUXAZL



Venres, 6 de xuño de 2025

Núm. 107

ANEXO II

DECLARACIÓN XURADA

Nome e apelidos _____ DNI _____ e domicilio
en _____

DECLARA

O/a abaixo asinante declara baixo a súa responsabilidade:

- Que a persoa solicitante asume o compromiso de destinar a subvención á finalidade prevista.
- Que a persoa solicitante non está incurso nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34 da mesma, estando ao corrente das súas obrigas tributarias e coa seguridade social.
- Que a persoa solicitante comprométese ao cumprimento das obrigacións das persoas beneficiarias de subvencións, establecidas no artigo 14 da Lei 38/2003, de 17 de novembro.
- Que os membros da miña unidade familiar (de acordo cos membros computables tidos en conta para estas axudas):

Nome e apelidos

Parentesco

Idade

--	--	--

--	--	--

--	--	--

Silleda, a ____ de _____ de 2025

Asdo.:

Pode verificar a integridade deste documento no seguinte enderezo:
<https://sede.depo.gal>
Código seguro de verificación: Y79YKUD6W7DUXAZL



Venres, 6 de xuño de 2025

Núm. 107

ANEXO III

FASE XUSTIFICACIÓN – BECAS MUNICIPAIS PARA ESTUDOS SUPERIORES CURSO 20205-2026

1. DECLARACIÓN XURADA

Nome e apelidos _____ DNI _____ e domicilio
en _____

DECLARA

O/a abaixo asinante declara baixo a súa responsabilidade:

- Que a persoa solicitante destinou a subvención á finalidade prevista.
- Que a persoa solicitante non está incurso nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34 da mesma, estando ao corrente das súas obrigas tributarias e coa seguridade social.

2. CONTA XUSTIFICATIVA

Nº	Concepto	Importe	Data de pago

Total gastos (incluír varias copias da conta xustificativa de ser
preciso)

Silleda, de de 2025

Asdo.:

Pode verificar a integridade deste documento no seguinte enderezo:
<https://sede.depo.gal>
Código seguro de verificación: Y79YKUD6W7DUXAZL



Venres, 6 de xuño de 2025

Núm. 107

O que se fai público para xeral coñecemento, advertíndose que contra o presente acordo, que pon fin á vía administrativa, poderá interpoñerse potestativamente recurso de reposición ante o mesmo órgano que adpotou o presente acordo, no prazo dun mes para contar desde o día seguinte ao da publicación deste acordo, de conformidade co establecido nos artigos 112, 123 e 124 da Lei do Procedemento Administrativo Común das Administracións Públicas; ou directamente recurso contencioso-administrativo, no prazo de dous meses a contar desde o día seguinte á publicación deste acordo, ante o Xulgado do Contencioso-Administrativo de Pontevedra, de conformidade co establecido no artigo 10.1 b), en concordancia co artigo 46.1 da Lei reguladora da Xurisdición Contencioso Administrativa. Todo iso sen prexuízo de que poida exercitarse, no seu caso, calquera outro recurso que se estime pertinente.

Silleda, na data da sinatura electrónica.

A Alcaldesa-Presidenta,

Asdo. Paula M.^a Fernández Pena.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: Y79YKUD6W7DUXAZL

